

互相信任 期待再合作

兩大影帝劉德華與梁朝偉繼《鹿鼎記》到《無間道》後，相隔20年於電影《金手指》再度合作，萬眾期待。兩人相識40年，雖然平日不多見面，但在片場埋位時已默契滿滿，每場對手戲都不用試戲，互相帶動對方演得更收放自如！ 採訪：阿祖 攝影：黃艾力



劉德華（左）與梁朝偉相識40年，互相明白對方想法。

劉德華 梁朝偉 40年默契 最佳拍檔



偉仔演張反叛，過足戲癮。

重提投資電影 華仔：最痛處

戲中有不少炒股劇情，偉仔表示現實中只略懂皮毛，導演講解完故事，他知大概去演出。問到拍完後有否興趣炒股？他笑言：「都有興趣玩呢啲啦，拍完更加驚，原來咁複雜。」華仔坦言未買過一隻股票，2000年興科技股像嘉禾上市，他都没買過一股：「因為自己唔識投資，全部自用，我連屋都買得少。」記者笑指華仔投資過電影，他即嘆口氣說：「唉！一講就講到最痛處！」

劉德華未買過股票。

《金手指》集合多位好戲之人。



華仔亦說：「都想再合作，但未有想法演七嘢，總之做拍檔啦！」



劉德華於戲中追捕梁朝偉多年。



梁朝偉期待再與劉德華合作。

劉德華視梁朝偉如弟弟。



華仔與偉仔合作電影《無間道》成為經典，20年後再合作《金手指》繼續對立，今次偉仔演反派奸商，華仔則演廉政人員。問到彼此默契會否仍在？偉仔說：「依然咁有默契，咁好玩，我同華仔一直合作得好舒服，可能大家相識40年！」華仔說：「佢好似細佬，感覺一家人。（冇冇照顧偉仔？）佢犀利喇，個個都好照顧佢！」二人同是無綫訓練班出身，識於微時，多年來合作都能心領神會，一埋位就做到。偉仔直言跟華仔好有默契：「我哋合作第一部電視劇已做好朋友，可能好年輕已認識，建立出

好好關係，好信任對方，所以埋位好有默契，唔需要浪費時間去夾，去到現場就得。」

偉仔：改變代表成熟

華仔認同說：「加上我哋咁慶都夾開，當年五虎相處係大家幫大家去諗，會將對方優點發揮出嚟，邊個有某方面缺點就幫手隱藏，亦可能成日要演出節目，好需要大家有個默契，好似踩單車，好記得當時做到個樣好犀利，但依家睇番其實……」偉仔搶着說：「好幼稚咁嘢！」華仔哈哈大笑說：「就係經過呢啲日子，人同人之間信任始終要有經歷同時間。」

今次再合作時，問來可有話當年？偉仔表示沒有，不過印象最深刻是拍《鹿鼎記》，因跟華仔相對6個月，雖然辛苦，但很好玩。今次再合作，演出時可有覺得對方有什麼改變？偉仔說：「我相信所有演員都會做資料搜集同設計自己點樣去演，呢啲唔會改變，變就代表成熟，無論人生閱歷同個人經驗，甚至表演技巧上成熟啱，好自然覺得對方表演上無論感情同眼神都豐富好多，所以我哋每場戲一埋位都即刻可以

華仔坦言以前拍戲有包袱，現在則沒有。問到是否偶像包袱？他笑言：「我依家都係偶像呀！以前我會諗除咗『偶像』兩個字，仲會諗好多其他，反而唔能夠得心應手。依家覺得市場對我信任度高啱，我可以選擇多啲，等於我想同偉仔再合作，因為同佢演對手戲，畀我感覺佢好相信我嘅表現，我會會特別嚟佢面前放任去演。」他坦言想過導演，問到會否找偉仔演出？華仔說：「就算搵佢都要循正途，要有劇本。」二人仍想再合作，不希望再等20年，華仔說：「我哋有共識下次要做同一邊。」

對於什麼吸引偉仔演《金手指》，他表示有好因素，因為今次角色未演過，他又好想再與華仔合作，更加上是《無間道》組合重新再拍一個題材，故沒考慮便答應了。